

附遺著

藏園辰思錄


劉篤才



藏園哀思錄目錄

- |   |    |
|---|----|
| 一 | 遺像 |
| 二 | 像贊 |
| 三 | 遺墨 |
| 四 | 行狀 |
| 五 | 傳略 |
| 六 | 詩歌 |
| 七 | 輓聯 |
| 八 | 遺著 |
| 九 | 函牘 |
| 十 | 錄後 |

藏圖珠思錄 目錄



藏園費像



藏園仁兄先生像贊

誰秉周禮

碩人其頤

博學多通

名噪一時

部選弗就

盈泰保持

不淫不屈

有守有爲

正言讜論

閣邑欽遲

信道旣篤

履險如夷

晚遭世變

兩占數奇

望之儼然

抑抑威儀

教弟顏星瑩拜題

此次運糧又被吊<sup>差</sup>查未衛國

要需洋銀元現耗家中不

惟三條且云欠式中條元但此

款對准進免信列務印向各

(三國因)

矣好也請其力為籌措以便早

歸因此間所君謂余在域在

鄉現未稅取權不作反動看待

也如有入乘可帶新衫褲及烟<sub>生</sub>

少許又眼鏡一副車被一床餘

候續具 藏園老人書  
初旨

## 引言

先堂祖綵甫公學問行詣久已繪炙邑人士之口生平著述尤多拷据獨具之作邑世家壽慶墓誌之文亦多出其手凡應酬之撰一一記之於冊有稿本藏於家戚友多請其付梓而不可謂此祇堪留作後嗣披覽及紀念而已奚必災黎禍棗爲奈世變滄桑匪亂紛乘民國十二年夏被匪誤捉至井崗山歸後著虎穴歸來記及難中雜占詩十七年春共黨肆虐將其廬舍焚燬致手稿均付秦灰 堂祖謂一生心血付諸東流時深扼腕乃憑記憶所得百不及一不幸運遭陽九匪禍重遭於十九年六月復被匪擄去病故匪巢遺骸莫返慘不忍言遐邇知名之士靡不掉惋贈誄表揚堂叔楚農昆仲毀痛之餘思無以報答囑余將其生前所記之零碎詩詞聯語並成好鈔存者錄出彙編成冊附於誄詞之末以留紀念而示不忘名其書曰藏園哀思錄其燬於火及遺失者闕焉夫一斑可喜何必全豹識者諸君諒不以余爲虛譽而誣先人也

民國二十三年甲戌重九節侄孫晚邨揚美敬識于餘學軒



先嚴行狀



府君諱宣猷字崧甫一號師圃晚號藏園爲贈奉直大夫豐城公冢  
嗣世第茶陵洮江鄉河塢性溫厚舉止深沉孩提戲嬉不與凡兒伍  
髫齡從宿儒李贊丞先生遊好學深思讀書務會其通爲制藝有大  
家風不落恒蹊李公常以國器目之年二十二以府試冠軍補弟子  
員肄業嶽麓書院官館各課輒拔前茅清季院長王先謙祭酒館課  
以府君列第一評文謂深得桐城骨髓曾與鄉試兩抑鶚荐府君以

窮達有數毫不介懷自是厥後觀朝政日非作卷而懷之之志雖吳中丞以府君辦賑有功奏保國子監毅然堅辭欽授晃州廳訓導亦決然不就惟以專辦地方公益造福於桑梓修鳳形橋建河塢義渡創積義谷以周濟貧民創辦高小以造就後進興辦團防以捍禦土匪襄辦鐵路以便利交通每遇荒年輒以米谷分貸貧民不取息歷任初小校長經費悉自籌措地方窮而無告者解囊賑之歿而無嗣者設法繼之嘗謂不孝等曰吾盡吾意而已敢云善乎宣統元年朝議立憲立憲首重自治合州選舉府君爲全州籌備自治所所長民國元年推舉爲全縣財政保管處處長選舉爲國民黨支部部長二年任洮江鄉董煙賭絕迹三年四年兩舉爲全縣急賑會會長七年護法軍興湘軍總司令譚延闓大元帥勞軍使周震麟先後聘

請爲諮議官不就被任爲茶陵全縣保衛團團長九年又任全縣急賑會會長十一年票舉爲全縣縣議會議長前後興利除弊靡不主持公道其力排羣非裨益民衆至今猶令人思慕不忘壬子歲先王父因上樓跌地傷股親侍湯藥衣不解帶者數月王父母年近八旬晨昏定省無倦態晚年避匪各地每欲集全縣周姓編修統一族譜惜原稿燬於匪未能實現民國十六年湖南省政府主席唐錫以孝行純篤盡心公益褒狀寵以永錫爾類匾額在他人羨爲榮府君漠然惟以濟物爲心救時爲念使天假之年或遂府君素志無何滄桑多變匪亂如毛十二年土匪肆虐府君誤被匪擄至井岡山困於匪巢數月因感道德長者不忍加害卒釋而歸遂成刼餘錄馬日前後共匪披猖時常遠避庚午十九年六月歸家仍思除暴安良不料

爲匪所乘於三十日下午五時與季父同時擄去匪雖感其恩德如李希烈之優待顏魯公羅列而敬不敢加侮而年老之人苦於束縛竟於是年九月二十一日鬱鬱而逝府君以同治五年丙寅三月二十一生壽六十有五迄今靈柩未返空賦招魂嗚呼痛哉生平著述藏於家因匪燒屋盡付焚如徵集友人處尙存有刼於錄詩稿先人傳狀及叙祭文聯語行將付梓雖吉光片羽弗敢忘爾生不孝等三人平居訓誨每以立行爲勉以做官爲誠嘗曰人生當立志爲大賢不可立志爲大官不孝等謹遵勿忘府君與諸叔尤友愛異常從無詬誶戊辰夏仲叔病故慨然以不孝煌繼嗣其孝友可知不孝等讀蓼莪諸什慘甚王裒自愧謏陋不能表揚先德亦不敢過譽以誤先人謹泣述一二赴諸當世有道仁人倘蒙寵錫鴻文以光潛德不勝

哀禱

棘人周名燁名煌名焜泣述



## 周公崧甫傳略

河塢周崧甫先生一號師圃係豐城公之長子端人也髫齡出就外  
傅穎悟異常讀書存大志從宿儒李贊丞先生遊習制藝然性好古  
文不沾沾於括帖之學故其爲文清真雅正大有桐城風味迥異常  
蹊以府試第一名補弟子員肄業嶽麓書院每課輒冠其曹祭酒王  
先謙曾以奇才目之惜鶻薦屢虛懷寶未售部選湖南晃州廳訓導  
先生見清季朝政不綱國事日非毅然決然不就遂以改造社會專  
辦地方公益爲己任民十一年由全縣公舉爲縣議會議長關於全

全縣應興革事宜主持正誼力排羣非次年井岡山匪忽至其家被擄困居匪巢者累月匪亦感其忠厚老成不忍加害卒釋之歸著有刼餘錄可以徵世變矣馬日前後因本縣共暴猖獗時常避地遠遊旋思弭盜安良之方謀建釜底抽薪之策遂於十九年六月歸家不圖竟爲匪乘匪亦感其平日之恩優待之乃年老不堪其束縛竟鬱鬱而死於蠻煙瘴雨之中痛哉夷考先生之爲人平居寡言笑不苟異亦不苟同遇事必準諸禮禮合則千金弗惜禮違則一錢莫名人見其取與之嚴處家之儉持身之約遂詆其鄰於嗇而不知非嗇也禮也夫禮以定名分明節文也聞伊聖之任者於非義非道之財一介不以與人一介不以取諸人昔林放問禮之本子曰大哉問禮與其奢也寧儉此皆禮之善教也又何獨疑於先生使先生果爲

爲吝嗇者流何以每遇饑饉輒思拯濟貧民地方公益每爲解囊相助前膺清廷國子監之褒獎後膺民國永錫爾類之題額孔子所言富而好禮者非耶徒以生非其時彼倡亂之徒方思打破禮教而不顧以致不見容於時寧獨 先生之不幸歟吾今爲禮教惜因重爲先生惜於是秉筆而爲之傳

茶陵縣教育局局長顏瑩星拜纂



詩  
歌

涿江不幸萑苻披猖盡瘁殺賊艱苦備嘗方期蕩淨綏靖鄉邦胡何  
賊衆赤燄日張大功未竟被陷身亡貞烈罔昧千古流芳

湖南剿匪第二團團長柏式諾題

雲山蒼蒼涿水泱泱孕毓耆英爲邦家光弱不好弄稍長能文遂遊  
泮水言采其芹肄業嶽麓義精仁熟詞章小道同列歎服三戰棘闈  
兩抑鸚薦文章憎命客游亦倦思惟孝友是亦爲政昏定晨省冬溫  
夏清棠棣之華競爽堪誇充閭有慶至樂靡加清廷末造授以訓導  
公辭不就益見高蹈民國當事聘爲諮議人方奔競 公獨引避

夫惟大雅卓犖不羣又豈忘世自守斤斤君子愛國先於其鄉凡百  
義舉實賴提倡憲法告成 公長議會集思廣益興利除害城孤社  
鼠畏而斂跡庶幾自治同享公益誰秉國成盜賊縱橫水深火熱民  
不聊生 公不忍此奮袂而起訓練民團以衛桑梓本期戮力及時  
撲滅如何弗慎再陷虎穴賊亦懷恩未忍加害鬱鬱成病遂不返旆  
又况鶴原共罹此患兄終弟及寧不永歎知生則弔知死則傷我實  
兼之情何可忘爰作誄詞爲位而哭魂魄有靈大仇當復或請於帝  
或化爲厲殄彼醜虜保我華裔

愚弟譚培元敬題

髫齡穎悟學究桐城嶽麓肄業首冠羣英胸羅二酉見屏文衡經綸  
偉抱未展鵬程孝友敦篤德著鄉評繼嗣立絕毅然玉成小試鄉政

有言有行厲禁煙賭化導流氓排紛解難鄰里息爭辦團弭盜閭閻  
不驚提倡教育區校經營居家儉約從公廉清黨國先進識時最明  
保管財產出入公平賢推議長黎庶歡迎改除積弊熙洽輿情歷任  
急賑功效甚宏事多美舉惠民匪輕紅羊浩劫狐鼠縱橫窮蹙極惡  
哀鴻悲鳴重罹羅網弟隨其兄罵賊不屈烈同杲卿古來志士節操  
堅貞文章垂世雖死猶榮瞻公遺像古貌如生緬懷雅範夢繞殘更  
哲嗣三鳳頭角崢嶸報仇雪恨矢志同盟骨藏馬首恨遺九京精托  
箕尾縣誌留名

襟晚向 曙敬輓

繫維 先生一代儒宗學有淵源道義是從巖巖其貌雍雍其容品  
清而峻性溫以恭言行範世孝友傳家教育羣英悃幅無華選爲議

長衆望攸歸主持正誼力排羣非詎世事之多變匪乘機以猖獗胡  
觸忌乎小醜竟被擄於匪窟嗟年老其氣衰乃抑鬱而云沒瞻遺像  
之宛然永哀思而殞淚

世侄譚篤材敬題

先生吾茶耆宿也品端行潔學粹養深作爲文章適動老到直近  
於古賦性剛直而心慈仁出語簡默言必中理凡公益事心之所  
可未嘗立異心所不可不惜慷慨直陳以求其是而後已生平攀  
攀大者義利分明取予嚴於一介人亦不敢干以私素位而行不  
願乎外舉富貴貧賤患難之境而盡歷之固有無入而不自得者  
卽遇窮通得喪禍福之事殊有不移不屈者在焉曩昔景仰先生之  
生之爲人尙未深悉其底蘊迨與先生長議席歷觀先生之

志與學以驗所守乃知非今人所能及也 先生今已矣抱乃等  
身著作論文天上無復系念人間事使 先生至今猶存作中流  
之砥柱挽既倒之狂瀾吾茶庶幾有豸乎不幸議會解散赤禍肇  
興以 先生之學守竟爲所忌庚午之秋浩劫重罹馬首命終遺  
魄未返天道無憑至斯極耶嗟夫 先生年將古稀盡道而死死  
於患難亦正命也夫又奚悲然以同事之久深慕 先生之爲人  
低徊留之不忍去因作哀詞聊表追悼之意焉詞曰

懿歟吾茶代產名賢顯宦理學輝映於前繄我 先生晚清繼起學  
養優深鑄鎔經史發爲論說能古文詞樸茂典雅爲後學師賦性剛  
毅簡而無傲遇事敢言犯而不校志潔行芳取予以義持守莊嚴不  
疚於利內重外輕不慕虛榮情怡志適遵道而行愛惜物力儉爲美

德世所不知誤爲各嗇與議縣事屈指四年直窺堂奧乃悉真誠珍重公事振懦起衰集思廣益顧畏民暑弊去大甚成全公益遺澤在人典型足式人如 先生心實無愧超軼羣倫出類拔萃孰知政變赤黨紛爭紅羊浩劫慘及 先生馬首在望魂招何處遺帙尙懸誰能遣此命耶時耶天道難必 先生既如此終窮徒令後死者於邑爰爲詞以志哀孰不撫心愴然嗚咽殞涕

同事弟段思順鞠躬謹撰

高人節義不臣虜廷事業中阻志多未伸爲黨宣力觸忌賊羣孤城不守竟戕其生人悼非命公則成仁衡嶽之麓湘水之瀕民陷水火待拯孔殷元戎命駕總師專征賊亡可待大亂立平公私恨雪足慰九京

鄧 悌敬題

大志未酬身陷於賊精神不死正氣不殒雪此仇恨後死之責

資興樊導驤敬題

浩氣長存

廣西蔣朝洪輓

先烈之血民族之光

武岡蕭長康敬輓

殺盡赤匪慰公英靈

婺源顏械才敬輓

常山之舌睢陽之齒

先生勁節永昭青史

世侄唐廣堯輓

効忠黨國樂育羣倫咄彼赤匪戕我哲人哲人之死惟形與體遺德  
功勳長留青史

晃縣廖以義敬輓

痛彼赤匪荼毒神州洞庭咽淚雲陽含愁嗟我伯台慘遭陽九哲嗣  
奉靈殺賊雪仇

寶慶姚駕宇敬書

嗚呼我公魂兮歸來

西蜀鍾 懿敬輓

後死之師

世侄李劍寒叩

靈魂高潔永耀天地

廣東雲克埃敬題

爲國爲民盡瘁不忘發揚主義甘苦共嘗  
裹屍自願傾心黨綱竟遭塗毒  
陡織身亡節貞義烈名垂芬芳

世侄潘光射敬題

矢忠矢勇誓滌赤氛澄清海宇慰我公靈

世愚侄趙綱敬題

賢哲其逝正義雪恥音容雖杳精神不死

愚晚李雲奎敬題

藏園先生舍身衛鄉里以取義成仁其死有重於泰山也

劉展緒謹誌悼

大德誰如汝高名竟殺身  
荒荒衡嶽峙何日湘波平

陸軍第六十師師長陳沛題

世事悲難問滄波恨莫填紅羊逢運厄白首竟身捐夢斷西江月魂  
歸故里烟衣冠權作塚收骨定何年  
魚肉逢刀俎傳聞事可嗟竟成羊入廟何異兔羅罟陷賊兄兼弟噬  
人虎與蛇冤親同一盡酌酒向天涯

周向榮敬輓

髻齡穎悟異尋常府試題名冠滿場講道論文宗孔孟鍾靈毓秀震  
衡湘不官訓導留清潔舉事仁慈賴贊襄可惜善人多阨運竟遭猛  
虎與貪狼

世事茫茫喚奈何英雄豪傑半消磨方欣梓舍爭榮茂詎料椿闈忽  
隕柯忠烈長昭光宇宙弟兄殉難壯山河羊公雖死碑猶在萬古傳

來名譽多

陸軍第十五師四十三旅旅長侯鵬飛題輓

耗傳戎幕客心驚  
遙憶雲陽淚縱橫  
道學無人承太極  
文章何處覓  
桐城功垂鄉閭歌  
還頌害遇豺狼死  
亦生閒向蓮花郭  
上望一盃濁  
酒吊霓旌

陸軍第六十三師一八七旅旅長王德彰敬輓

名利由來是幻情  
詞章遠足紹西京  
研經不媿葦三絕  
嚼字常移月  
幾更漢學緊傳懷  
嶽麓鐸聲難得及  
邊城梓湖身世苦  
顛厄更比梓  
湖苦一程

蘇武魂銷仗漢節  
幾曾奉使出征塵  
井岡峯上煙猶昨  
馬首墓前梅  
著春鬱鬱山河同  
破碎菁菁常棣苦  
凋淪從今莫問舊  
時事忍令後

人哀後人

姻愚侄楞盒陳 樵敬輓

藏園先生爲古文詞有盛名癸亥秋承贈以刼餘錄世濟其美讀之如通鑑甲子復閱其所爲李母陳太夫人六十壽啓簡淡如陳思庚午客 先生家詳覽藏園筆記及近作文所閱各書雖一字一典必窮其所出祭弟文尤出以真情大義懷然與隨園祭妹同志古之士學有所本余知其深入漢學之堂特不知其致漢學之源也頃誦 先生傳狀入泮後遊嶽麓受知於王先謙祭酒評其文深得桐城骨髓維時祭酒精義理與壬翁擅詞章邵園崇攷據並以漢學名海內而桐城派古文湘鄉曾氏倡之傳播湘中蔚成風氣南屏先生力詆其派謂方氏得力於歸震川歸出於韓柳韓

柳學孟子史記孟子等書能文者類皆師之非必桐城一派所得而專亦非桐城之文卽足名古蓋桐城劉大櫟姚姬傳及姚氏弟子管異之梅伯言輩欲自標榜乃奉方氏爲壇主如宋代江西詩派而已後人遂以工文詞者輒假桐城相推重此文之終不能古歟知先生之文更知先生之學不敢以桐城矜先生特論列之先生有知其將以余爲鍾期乎

榜盦附誌

曩時商山遜耆英擊壤興歌樂太平今日雲陽隱遺老慘遭赤禍身犧牲聞公富讀五車書府試第一冠軍初祭酒王公獨賞識決登黃榜望已虛乃知窮達原有數文章只有知已遇鸚薦兩抑不介懷惟識卷懷行吾素辦賑奏保國子監晃州訓導任不站美意雖負吳中丞看破時局如水鑑專辦公益于地方周濟貧民輒解囊造就後進

興學校捍禦土匪設團防修築橋梁並義渡義倉積谷時兼顧民國  
改造廿餘年終日惟有公是務歷任本州重要職財政自治竭心力  
獨排羣非益民生至今令人懷舊德侍奉老親作嬌嬰老萊千載留  
其名匾額曾褒省政府永錫爾類奕世榮如此名流不世出堪爲社  
會永倡率後樂先憂范文正公爲秀才堪與匹可恨赤匪肆殘暴沒  
收打倒喊口號綁票弔羊是長技一味恩將仇來報公之功德溥茶  
陵濟物救時衆交稱遠遊忽作旋家計不圖竟爲匪所乘年老不堪  
其束縛鬱鬱西歸竟駕鶴蠻煙瘴雨奈何天傷哉玉體填溝壑泚水  
湘江折藩籬慘霧愁雲草木悲我亦流離劫後客弔公特寫數行詩  
小醜跳梁定殲滅公之仇恨終有雪生爲名士人尊崇死作雄鬼亦  
英烈竚看堂前三槐樹葱蘢競步青雲路異日平匪扶櫬還千載猶

識田橫墓

福建上杭東四區保衛團董知愚弟李伯寬謹輓

吾鄉耆宿屬譚周落落晨星數亦愁修到蛾眉偏薄命生來燕領不  
封侯奇才自古多遭忌大難於今尙未休欲賦招魂何處是蠻烟瘴  
雨鬼啾啾

黃鐘毀棄瓦雷鳴時局滄桑屢變更河塢渡頭思善士鳳形橋畔憶  
仁人哀鴻待哺誰周濟狐狸驕橫孰化行留得一編刼餘錄成陰桃  
李滿江城

姻晚譚佑德敬題

我憶 先生在年少佳哉風韻何翩翩席豐曾無絀綺氣持躬却好  
禮三千讀書不爲章句學遠紹濂溪與齊賢嶽麓書院人文藪每課

公名獨占先一片寒旣漫相屈滿腹經綸應時宣清帝遜位改民國  
地方舉長縣議員事憑公開無專決三十萬民託在肩利爲民興弊  
爲革閭閻稍稍獲安全無端獸化蔓中國殺人盈野血流泉 先生  
昆玉同迥難遠近聞耗皆涕墜我與 先生夙相識又曾因事謁階  
前而今招魂在何處聊且哭以詩一篇

廖爲瑞敬輓

河塢名家汝南望族桐城骨髓文風韻且高懷宏度浩氣雍容叶素

志浮雲富貴其行詣不與凡同叶天然性孤高自許淡泊爲工叶融

融叶會談沫校民三初會沫校命哲嗣從遊交誼初濃叶約靈巖觀月民四林

寺談虹叶適逢秋虹飲江談論良久叶誰料紅羊肆虐將今昔萬念全空叶廻腸

處神歸馬首悲結人胸叶

守中弟譚 庸不揣謏陋填鳳

凰台上修簫譜鄙詞一闕敬輓

彩筆自昔蜚英聲麓山壓卷葵園驚心近  
鯁生肥道義浮囂羞與樊  
噲爭不爭不存忽成例地轉滄桑天欲折  
天欲折誰爲補豈有蝸皇  
爲室輔我公孝友喜克家鄉望遂爲時所  
誇人間猶傳刼餘錄天上  
又駛浮河槎洪濤養滌有顛倒民居避水苦  
不早坐歎微禹吾其魚  
魂魄依棲隨沒草噫嘻吁嗟乎漢家尙可  
遼東渡唐人不毀王官谷  
海外稗販來仙丹翻滅同根媚異族今我  
揮淚爲悲君後顧遙遙不  
可聞矧是同遭難瑩瑩泣無兄  
家兄被擄而死誰云舉杯能消愁後死尙得言  
首邱悲哉星光閃閃降天狗血食人間幾時休

受教弟李調鼎頓首敬輓

日月如梭容易過滄桑多變從頭數

已巳秋後內子暴亡忽已三年有奇矣

我返妻襯君

赴訴遺帛迴憶詞辛楚

聯云避共匪而隨夫年來僑寓中湘秋雁未歸倏遊蓬島視吾兒乃君子今後趨承貳室尾鳥誰愛惟有泰山含蓋工穩撰書皆出自手

筆身被擄兮訟不直盡地各受共暴苦

我在被擄

年杪歸釋相見下不勝

唏噓話肺腑

除日君自省歸我已生還經舍略談

代我規劃頻寄語涯角流離終無補

物色續絃君留

意失所逃生我灰心未及完成

遠客聞道重遭禍久困虎穴適樂土

中湘聞被擄省垣聞殉難不勝悲傷

成仁取

義完浩劫文章事業足千古

生平才學識德言功有口皆碑親戚友朋稱道之詳矣異日諱軒采風堪資膺助不才如我付之如闕

遍

地荆棘猶未已如我潦倒恨不死

憤時嫉俗故溢言表

中華民國二十二年夏月時客上海美專角黍祭罷感賦郵傳聊

以誌哀且以應名燁文坦昆仲刊哀思錄之徵也

姻愚弟撲人彭師儉鞠躬

藏器待時感昔年園林涉趣講芸編如君博學多文富愧我才疏守

拙堅久仰詞壇稱藝苑不圖滄海變桑田歸來虎穴書貽閱猶幸身  
名得保全

文人困厄竟如斯天道茫茫慟豈知有意肅清狐鼠害無心猝遇虎  
狼危黃金作贖猶還債白骨埋冤不返尸馬首山前徒悵望共仇欲  
報待何時

姻愚侄志道劉佐民敬輓

髻齡不與凡兒伍文法歐蘇詩李杜播得盛名早冠湘淵源家學紹  
周魯

朝政不綱志隱遯居甘淡泊辭華袞主持正誼劾貪污弊革利興垂  
久遠

記得當年入虎穴備嘗艱苦受磨折屈指歸來甫七年那知今日復

長別

難弟難兄同永訣留名青史垂高節舉家大小痛悲哀地下鬼神泣

壯烈

紅羊浩劫何時絕慘殺同胞肝胆裂但願皇天青眼開早將殘匪盡

殲滅

教晚歐陽時敬輓

四十年前未論交

四十以前並未晤面

一朝會晤勝同胞

民十君因學捐事至予塾一見如舊

談心講學

忘形迹不覺三更月上梢

終夜論談不倦

未經謀面早知心曾遣賢郎問古今

未晤面之先曾命長令似楚農與予遊

化雨春風羌敢

擬惟期遠大合精深

予嘗期令似以遠大精深

少年遊學各西東

君肄業嶽麓時肄業豫章

共賦鴻毛遇順風

君遊泮後榮膺訓導予亦由寸進而伴成選進士

鳥

倦思還棲未穩君與予皆欲謀家居不可得雙雙吹入競飛中君歷被公舉為自治所長校長縣議長等職予亦屢被舉為師高校長教員縣議員等職

生平最愛鑄人才桃李滿園次第開君歷辦鳳岡初小三區高小皆畢業數次忽被狂風吹折

了今因紅軍皆停辦頓教學子動悲哀

頻年大小暑寒傷遣使來求肘後方邇年君家疾病皆延予診治却喜吉人天自相臨

危亦克獲安康幾次診治危症俱得安全

記得君曾度難關民十二君被匪擄備嘗艱苦獲生還觀君著之規餘錄一本歷述難中情形可謂艱苦備嘗不圖

今日重遭禍使我徒望馬首山聞君在馬首地方病故並埋葬於馬首

虎穴歸來甫七年民十二被擄至民十九止七年耳那知忽又起風煙民十九又被匪擄可憐昆季

同罹難君與季弟畏三同卒匪中不禁吁嗟欲問天

推敲詩對並文章君與予嘗推敲詩對文章尙覺漫漫夜不長終夜談論猶嫌其短回首相思吾老

友如何教我汰悽愴

生來福命有三多

君家財累萬金壽近七旬有詰嗣三真是三多

獨恨無端受折磨

老年兩被匪難

倘使靈魂

真不昧定當仗劍斬羣魔

冬去春來夏復秋紅羊浩劫幾時休

連年共匪作亂不知何日替青

見君遺像頻揮淚

予避

難外間見君遺像不覺淚下

不識魂兮知也不

愚弟曾寶華拜輓

楚南嶺表隔雲天幸識荊州憶昔年  
衡嶽湘江鍾秀氣洙流沔水毓英賢  
歐蘇品學人推重李杜才華孰比肩  
杞梓良材廊廟器靈光魯殿信巍然

羣書一覽便無違探奧尋微世所稀  
不向晃州官訓導甘居梓里奉親幃  
匡時疊獻安良策濟世屢籌靖亂機  
大息中天逢劫運頓教蒼

老賦西歸

生平事蹟著粉鄉道德文章冠一方志節堅貞宣廟柏愛思悠遠召  
公棠羊腸被困終難返馬首歸真最可傷幸有鳳毛能濟美箕裘克  
紹煥文光

贛湘洪水正橫流報道先生赴玉樓講席不聞施善誘議壇無復建  
良謀羊公身歿碑猶在蘇武魂銷節尙留自古賢儒多困厄名垂不  
朽更何求

東粵何錦初敬題

淒風苦雨打孤城寂寞夜猿驚靈前祭奠長流淚一杯酒萬段柔情  
燈暗難尋蝶夢夜深啼澈鶉聲雕龍夢鳥仰生平嘉惠遍宗盟慘遭  
赤禍橫權死訣離我腸斷深更最痛招魂無地未遑簡册留名

族晚少楠敬輓

世道滄桑不忍看繞身湯火各心寒  
巍巍泰斗沈冤海爛爛文星賈  
匪辯一生謹慎歎三顧兩字慘刑悼二難  
此後家庭誰作幹同堂戚  
戚淚漫漫

堂弟大德哀悼

同堂骨肉不相殘詎忍驚秋雁陣寒

民十九六月三十晚被擄九月二十日病故

風淅九皋留鶴

唳

匪風連年未息

雲迷萬里失鵬搏

兄遊南京故云

獲麟絕筆嗟時困悲鷗興歌憤世難

可惜昔賢遭厄命荒烟憑吊古衣冠

清末不綱朝政非却官不做掩柴扉

部選見州廳訓導不就職

多謀桑梓喜公益常

奉椿萱歡未違

父七五母八三

文習韓歐排曲異

生平不喜僧巫

道宗孔孟挽頽微茫茫

世事終難返滿眼河山夕落暉

晚年美舉多褒揚膺國子監褒獎及永錫爾類匾額苦力主持爲地方任鄉董縣議長等職乍去城狐

和社鼠誰來猛虎與貪狼紅花墜地不容白赤火燎原又變黃有意

從公謀善後天何弗吊再加映二次被擄

死蒙大難弟和兄季弟畏三同殉難慷慨悲歌節勵貞浩氣長存河嶽壯孤忠

同炳日星明著有劫餘錄共仇未去人皆憤衆濁安容我獨清弟連年避外夙夜枕

戈留待旦有懷手足倍傷情

祖鞭猛着輝重光早挹泮宮芹藻香四十年來又案首自分祖蔭宗公據縣案首至兄據府

案首時約四十年矣後先相繼隸聯芳仲明弟相繼入學

肄業同遊岳麓山道鄉時弟與兄等六人同研坐該廡風景共幽閒詩文清雅無雙品兄考

決課列第一橫掃先登最後攀

鏖戰棘闈競奪魁先膺鶚薦兩相擢鼎備各荐一次回思我試同場後弟於已酉同試鄉闈

科舉終停不復恢

部選晃州教育廳杜門不出謝清廷後學署裁撤早嗟世變斯文喪何日學

宮復講經

家居救水奉椿萱色笑親承樂故園定省晨昏同友于何來錫類譽

吾門提獎匾額

共襄自治洮江鄉弟亦相隨兄首倡兄選鄉董弟充議員興辦學堂隆械撲督捐

賑穀備凶荒

正言會議主維持任縣長閤色咸欽於一時頓令中途遭變故癸亥秋被匪擄去狂

風苦雨起驚疑

難同骨肉最相關兄弟叔姪共擄七人珍兒年幼多蒙關顧贖得前年去復還詎禍重遭終莫

返追懷使我淚潛潛

喪我兩兒名琪名瑄  
相繼早亡痛不勝曾經累次慰哀矜可憐手足同罹難搔首

問天詎咎徵

禍亂流離苦不安擄掠共匪猶克殘魂兮若賦歸來識兄也應憐劫

後寒

堂弟福林壽眉敬輓

棠棣輝榮暨桂枝白居易論交却憶十年時高適久存膠漆應難並杜甫

讀著遺書坐欲癡李凝惆悵對君無玉案羅隱登臨何處見瓊芝權德輿

文通綵筆空留恨張泌夢裏招魂誦楚詞劉長卿

不求軒冕愛林泉白居易角里烟霞待共眠齊己綵筆十年留翰墨殷璠

藩艱難幾度扼名賢鄧洵美江山故宅空文藻杜甫滄海經年屢變遷許

渾浮世本來多聚散李商隱感君永嘆鵲鴿篇劉禹錫

一紙鄉書報弟兄許渾追尋往事倍傷情元稹早爲良友非交勢白居易

幸有賢郎挹盛名武元衡昆玉已成廊廟器陳陶文星今向斗牛明劉禹

錫君逢多難慘何極李煜惆悵狐羣欲掃平劉滄

六十年來夢一場李煜先生清骨葬遐荒皮日休文章政事追曩哲牟融

冠蓋聲華裕後昌牟融四皓高風千古在皇甫曾三枝仙桂一時芳杜牧

愁看容色懸離恨令狐楚此去瑤臺著作郎李商隱

宗愚弟孚先虞臣敬輓

屈指締交四十年情同骨月意纏綿談心頻剪西窗燭月上花梢尙  
未眠

文須百鍊始能精擲地如金應有聲雅正清真人共賞問誰風味似

桐城王祭酒決課公列第一  
評文謂大有桐城風味

千軍橫掃筆生花回首文章興亦奢

年弱冠府試冠軍補弟子員

滿擬鵬程舒萬里窮

通有數不須嗟

兩應鶚薦懷寶不售君毫不介懷

從來樂事在天倫不競宦途爲事親

部選晃州廳訓導辭不就職

棣萼聯輝隆奉養一

堂孝友大和春

熱心公益不辭勞邀得上峯語疊褒恤寡矜孤金不惜幾人意氣似

公豪

赤禍蔓延大可虞君因避患偶過吾

民國戊辰首夏君由縣來舍信宿而去

強留信宿難留

住遽爾孤身去入吳

匪患豫章亦未除風聞處處有萑苻臨歧寄語須珍重一路福星履

坦衢

茫茫時事幾滄桑善類偏多受禍殃虎穴歸來方脫險

匪始困君於井岡威君道德長者不

忍加害旋  
釋而歸

誰知浩劫又紅羊

十九年六月又困君子馬日  
遂與季弟畏三同殉難焉

成仁取義弟和兄留得千秋萬歲名況有佳兒能殺賊先生雖死仍  
如生

洮江阜嶺隔雲天此後相思總悄然但願降神來示夢夢中依舊話  
前緣

宗愚弟則明敬輓

正氣浩然播九州魁梧奇偉異凡流文冠府首可經國議長縣中多  
壯猷爲國捐資偉績在樹人興學春風留何來赤賊敢欺老拔劍鳴  
咽誓報仇

聖畏侄名琳淚題於臨川軍次

恭談祖德朵頤開

賈島

欲問平安無使來

杜甫


此日斷腸公不見

願況

昔

時點額予趨陪方干空留華表千年約鄭璧虛負凌雲萬丈才崔珏遺愛  
永存兄及弟雍陶功成身退共興哀許渾

侄孫楊華泣輓



陷匪竟捐軀不復生還蘇典屬  
矜鄉宜祭社能先憂樂范希文

陸軍第六十三師師長陳光中敬輓

共事憶當年曾記虎穴歸來談到井岡嘗隕涕  
招魂在何處大息玉櫬未返載瞻馬首暗摧心

同事弟段思順拜輓

遇賊爭捐軀有難兄更有難弟  
報仇藉抒憤必於子還必於孫

愚弟段思順鞠躬再奠

軍閥煽亂匪黨肆虐逆燄遍中原同聲一哭  
生爲儒宗沒稱鄉賢令名垂青史自足千秋

世弟李雋敬輓

燎原赤火燄神州匪特先生弟兄身罹慘禍  
浩劫紅羊蔓大地還期後死民衆力掃妖氛

教晚歐陽時敬致

侯景入臺城庾子山文章蓋世我思古人到底還輸一死  
漁陽動鞞鼓顏平原兄弟捐軀公之現狀於今又合二難  
受教弟李調鼎頓首敬輓  
國不國人食人豈特先生罹大難

紅者紅白白長教百姓抱股憂

愚弟曾寶華拜輓

道德淪喪共黨猖獗邦人啼泣邦國殄瘁  
學宗桐城家承孝友憂民而逝憂世成仁

長沙鑫記顏料號敬輓

脫虎口全眷來攸跡寄蝸廬未識荊州聆雅範  
嗟鶴原二難遇害魂依馬首應思梓里盼歸期

梅城余長瑤敬輓

前朝遺此老既食科場廩籩復爲議會先導  
亂世不考終纔從井岡贖命又向馬首招魂

陸軍第六十三師軍醫郭夢祥拜輓

赤氛未靖白首何歸骨葬他鄉血化碧  
典型猶存精神不死芳流奕世竹汗青

世愚任廖應運恭輓

時會艱難父仇未報乃噩耗驚傳公歸馬首仰望衡雲欲制傷心惟  
努力

英靈

學行練達輿論猶存祇招魂無術淚墮羊碑憑弔湘水更從何處慰

契晚郭良遂敬輓

烽烟蔓閭閻恨當時踏虎履冰難遭馬首愁天日  
德澤垂後秀看將來犁庭掃穴斬盡萑苻報父仇

慈侍下世愚任李珪拜輓

學衍桐派文章千古事業千古  
難被井山有兄一人又弟一人

愚侄朱澤溥敬輓

才學本兼優惜鶚薦屢虛鴻猷未獲驥足展  
艱危被重遇恨虎口難脫鳳身竟歸馬首藏

姻愚姪吳炳星拜輓

濟世抱孤忠想當年建校育材心殷培植縣議除積弊感激止萬家  
哉無如蒼天不仁致使長才遭浩劫  
耳豈料赤匪重禍卒然一別竟千秋

深情銘五內憶往歲辦團親範指劃精詳省歸尙同途睽遠祇半月

襟晚向 曙敬輓

少時曾共雞窠讀相期  
追踪燕許繼美馬楊其如天  
阨遭逢才展鄉邦祇小就

季權奇災

前年尙從虎穴歸誰料亂起神州  
變宗他國竟使匪肆猖獗害聯昆  
謾罵若梟卿惜大英雄死於賊  
慘殺同信國是真志士喪其元

硯愚兄陳和鼎恭輓

救時具深意冒險回鄉原擬勸化頑民  
不圖葬身匪窟指日雪奇冤克家有子  
將來替國出力寧第爲父報仇

愚晚劉凱清敬輓

恨虜奪鄉賢難弟難兄千古悲啣馬首

克家有令子學詩學禮二者道貫鯉庭

愚晚譚續澤敬輓

氣壯山河臨難不屈其志  
神遊海島雖死尤勝於生

愚末譚文斯敬輓

先生係道學名流那堪共暴爲殃頓教鄉邦失雅範  
哲嗣如參苓妙品行看謀猷大展效勞黨國慰英靈

愚弟段治安敬輓

與公弱冠訂交卅餘載世變疊遭近年尤甚避地廡長沙侍領清談  
言在耳  
話傷心

似我流離失所數百里羈居無定今日暫休思鄉來舊館適逢哲嗣

愚弟夏鼎叩輓

金陵婦家甫幾天料知禍不再來耳順從心觀世變  
河塢被擄僅數月詎意人竟難返恨遺痛拘頓冤埋

姻愚姪劉佐民敬輓

身可殺志不可奪  
義已盡仁亦已成

愚晚洪士奇敬題

忠忱昭日月

赤血蕩山河

世侄鄧我珍敬輓

赤血滌河嶽

正氣淨妖氛

世姪楊頌卿敬題

從虎口逃生屈指剛纔七載  
到馬首送死傷心竟成千秋

愚晚譚鎮嶽敬輓

官辭訓導旨奉慈闈公益尤熱心雲山曾現新興象

天奪賢良星墜匪穴舊事難回首涿水祇餘幽咽聲

愚晚段惟一敬輓

風概比于歛飄拂鬱填胸生歎狼烟霾夏甸

名德真堪範世凶殘肆毒死餘鵑恨江泉臺

李日熙拜誄

先生罹匪劫慷慨悲歌可與常山睢陽並節  
哲嗣係英才堅忍卓絕當圖臥薪嘗胆復仇

愚晚劉應坤敬輓

雲陽地接贛邊共匪猖獗逾恆豈徒無罪匹夫遭殺戮  
星沙面曾荆識德器音容宛在誰知有驚攸邑弔精英

契晚馬敬敬輓

我際亂離夫不能顧其妻父不能顧其子兩代莫生存詎忍戴仇不  
一顧

二難

公罹慘禍兄有時難爲弟弟有時難爲兄千秋悼死別洵堪合傳有

姻晚譚鎮楚拜輓

舅仇未報吾父何之問水濱賊追莫返  
泰山其頽我生安仰溯渭陽涕送徒悲

愚外甥譚秋芳頓首淚輓

蓄道德能文章經師人師與趙宋諸儒爲伍  
著事功於鄉邑獨善兼善具叔孫不朽之三

族末繼斌輓

偕季弟取義成仁留得正氣上炳日星下壯河嶽  
願哲嗣節哀順變好將此身外雪國恥內復父仇

宗愚弟則明敬輓

井崗脫險離七年方謂泰來否去萃集家人同人革蹇難隨辦團防

老眼鑒觀戲亂世

天心不解表斯文

比匪猖狂臨各地胡乃剝極復危姤遇大畜小畜履坎珂損傷昆季

宗愚弟孚先虞臣拜輓

到馬首不歸無從憑吊環顧共匪未肅清此憂爲何如也

跨鶴背而去應作達觀佇看哲嗣能繼述後望甯有窮乎

族末芙蓉敬輓

我生亦是虎口餘浩劫話紅羊真成萬古傷心事

靈櫬猶厝馬首上皇天開青眼會見二難歸骨時

宗愚弟玉成敬輓

馬首銷魂恨赤匪凶殘獨慘竹林悽愴切

鯉庭洒淚嘆蒼天冥冥同懷蓼莪悲痛深

堂侄名珊謹輓

刻鵠類鶩龍伯高惇厚謹謙無忘塵訓  
獨鶴羣雞稽叔夜乘風破浪有負鵬搏

堂侄名瑯敬輓

數典忽忘言猶在耳刼餘錄不堪卒讀  
貽謀孔厚德可銘心撫遺篇又覺徒悲

侄孫揚芳泣輓

謀團防而獻策任縣議而建議苦心稱吾茶救主  
捐義穀以濟貧籌校貲以興學交口譽長園先生

族侄玉燕謹輓

會議建良謀生遇非時那堪再續劫餘錄  
備荒籌善策死垂不朽詎忍大息禍重遭

族弟蔚起拜輓

有子能報仇雖死猶生匪共終不宥  
季弟猶在擄異鄉同難兄獨竟何之

從堂弟大德淚輓

我從流離轉徙外忽聽音耗傷哉骨肉不團圓招魂何處  
兄在患難危急中頓拋胞季慘矣手足更悲痛回首奚堪

堂弟壽朋淚輓

東魯續傳道德兄不死那堪棣萼芳聯頓遭赤禍沉碧落  
西河重痛旦夕我偷生詎忍萍蹤流蕩更教異鄉哭同堂

堂弟壽眉淚輓

與我父本同族同窗連襟數十載父早逝視吾猶子  
偕季弟遭奇禍奇慘編傳合二難弟能隨不愧爲兄

族姨侄德潤敬輓

手足本骨肉相關兄輩同難不忘詎忍慘死  
焚殺爲人民公憤我等共仇未報何以聊生

分弟根連敬輓

吾嚴被難死更慘禍及竹林九泉之中同一哭  
叔祖在擄病莫興痛連棠棣千載以後合二難

侄孫楊美泣輓

罹災首二難豈徒宗族鄉黨相向洒淚

立法長全縣卽屬姻戚友朋共同傷神

族末日麗卽海棠敬輓

# 藏園遺著拾零

文

## 曾大父贈儒林郎清章府君事略

府君諱顯漢字清章沒於道光六年丙戌五月二十八日今九十又二年矣後嗣雖未貴顯而前後博封誥受職銜者十五人在邑庠者七家嚴慈暨伯叔父母年逾七八十歲者九男丁見近七十名家貲豐剝不等然頗爲鄉人指目非府君厚德所留貽曷克致此乃承嚴命追述一二以詔來許府君家初微爲叔祖四爺庠士所賞識配以女之女王氏並移女奩田贈焉夫婦茹苦銖積漸置田構宅今章公

廳中棟府君所手創也其地初爲戶某園某之從祖文學璜珍先生曾授府君讀府君夫婦敬禮之歲時饋貽意餘於物比園將易主鄰某爭出善價須先生立契先生曰錢財土苴也卒售諸府君母氏彭孺人之沒也適江西蔡某避禍來茶府君於山農家邂逅邀歸卜兆村西南梓蕉冲今風水家稱爲發塚也將葬主者洵洵有違言值修族譜諸長老謂族無私山咸不平願白之官府君以母塋故卒婉謝諸人私出錢如其願其長厚類此先是家初起粗自給無以假人忽大饑族人羣向鄰富某貸穀王安人亦隨往某峻拒之安人大愧憤立率家人採苦菜充饑縮所餘貸於人數年穀大餘乃依社倉法春放秋收薄其息誠子孫以爲常厥後先大父暨家嚴兄弟倡捐各團會義穀皆秉安人遺教也常未明拾糞別以輟否一夜羣少年散

置塘泥安人拾之滿箕曉乃爽然計口授食客至不益米自以粟粉  
飭抵頓然延師款客或里有善舉則不吝蓋儉而中禮安人八十初  
度蕭殿元錦忠題額製序稱其孝慈勤儉匪虛美云府君生乾隆三  
十二年丁亥七月初一日壽六十歲以孫樹功贈儒林郎配王氏贈  
安人後府君二十八年卒壽八十有四時咸豐五年乙卯五月五日  
也夫婦合葬老園同治間蛟水發乃遷甫遷而墓址圯人以爲盛德  
之報今葬印荷埧以長君經歷公夫婦祔丁巳正月晦曾孫男宣猷  
謹識

先祖誥贈奉直大夫心田府君事略

祖考周公諱慶元字位莊晚號心田著志也先世自江西遷茶代有  
隱德十三世祖處士煥仕府君義聞漸彰前州守高公以急公好義

表閩越三世贈儒林郎清章府君妣贈安人王氏是生府君兄弟三  
長府經歷銜字錦莊長府君十七歲季州同知銜字蒞莊儒林公生  
府君晚就傅數年儒林公見背經歷公體弱多病王安人乃令府君  
課耕而同知公讀書府君天姿英特出督庸工入奉母兄未有私畜  
餘力學文常至丙夜析產時薄田四五十畝自奉嗇而勇爲義遠近  
橋路寺觀津渡茶亭罔弗飲助村東南十里許馬背難汚水所經石  
錯迕突兀中流激湍土名仙鵝點水舟子木商時遭陷溺府君鳩工  
轟平今稱利濟性伉爽遇不平一以身任有爭搆輒解咸同軍興土  
匪間起族鄰連染迨十餘人府君營救因應咸宜縣官驚叩生平以  
非公事不敢至公門對愈益重之旣倡捐西河堂社穀又爲親支捐  
集今各數百碩雖荒無害府君力也他如興誕祭創賓興修先塋建

鳳岡書院尤關本原大計昔人謂凡設心行事有利人之心便是聖賢便是豪傑觀府君之素行所謂利人者非耶彼有文無行或仕宦顯榮於人無毫末裨益以視府君其有無輕重果何如也晚喜填詞不計工拙遇事輒爲尋常祭告祈禱文字不屑剿襲或慮事冗則預擬以待有手錄稿本藏於家譚文勤修州志以府君廉正資採訪府君高不踰中人而氣體豐厚右顙稍下一痣白鬚眉里人異其幹略福澤或以爲狐仙化身云生嘉慶十五年庚午正月二十八日光緒四年戊寅七月十六日以臂疾卒壽六十又九初援例爲國子監生以子樹功封儒林郎以孫告猷賍贈奉直大夫祀省垣雲陽試館鄉賢配黃泥冲陳氏逮事姑王安人以勤儉率先子婦慈惠修敕佐府君稱賢助初歸未幾卽脫售其嗶嘰奩襖竹釵布服紡至夜分老而

無改初封安人晉贈宜人後府君十六年甲午正月二十六日卒壽八十有二子男女四人孫曾玄男女如干人備詳家譜不具書

家嚴曰府君有權術咸同匪案族有乳名一佻者實誤列統兵官檄追頗急府君攜其幼弟往曰此一佻子耳烏能爲匪竟釋不問某歲饑無賴子唱吃排飯將次及府君廉其情陽爲好語曰汝輩誠苦但安坐當按名給餐無賴愧汗一闕散去常步巡山莊見人具雞黍輒曰已飯強之則令毋殺雞或方食諸則曰我素喜此不必飯也自以未與科目廷師課讀修脯必豐欸接文士有加禮孫輩名字亦令摹仿儒宿云吾輩行誼百不逮一而享受過之嗚呼可不懼哉孫男宣猷謹識

### 先嚴行述

府君諱良璧字咸亨號豐城爲贈奉直大夫心田府君之季子世居茶陵洮江鄉河塢秉姿聰穎少習制舉文筆豪放邑明經譚德心稱爲罕見旋棄去理生產事業析受先世遺產田約百五十畝晚乃創增三百餘畝守祖父風自奉儉約而赴義甚勇聞人負債鬻妻子輒贊助保全不少亦有欺以其方擲金虛牝者如同族某某之子及譚某某之妻是也修砌古墳數百塚施棺材百餘具救急藥物時常儲備聞有急難赴救如不及某年夏水漲急流中一人抱柳樹呼救府君設法募善水者用長索一端綬樹一端挽置岸上救出其秋水漲租船沒猷兄弟亦抱柳樹亦以前法登岸報應之速而巧如此尤重祭產猷入學時冬祭會例有幫項府君不取後入學者均不取祭乃得全其他捐義谷置茶亭焚券育嬰義渡橋樑更難枚舉近年邑遭

兵遭並有倡捐常平倉谷之意性爽直疾惡無城府以此取怨受虧不能改嘗言吾生平口快心直他日大數一到一口痰便去若某某輩恐七日八夜不斷息也沒之時竟如其言而先期十日間兩聞異香亦異矣治家嚴整課讀逾常格邑明經陣疇洪寒儒也館余家時其孫應輝方四五歲府君異之配以次女平居喜誦朱柏廬治家格言慶七十時謝絕浮文命猷輩摘錄經訓及儒先箴規刻諸木以代壽序其志行如此家藏書卷歲一曝整理標識胥府君手執蘭亦如之軀幹修偉精神強固少病民國元年夏在住宅過亭抵漏失足跌地丈五尺餘右腳後跟裂寸許腰亦內傷愈後不耐遠行惟歲首仍掃墓嘗自揣度此跌幸全生命必陰隲之力自後感醫生言間服補劑資培養閱書報寫字不假眼鏡然外體雖強內精已竭民國八年

七月晦夜半忽感腦痛次日巳酉寅刻告終哀哉距生於道光二十五年乙巳十月十四日享壽七十有五生前每欲自營壽藏未果次年庚申陰歷二月初七日癸未葬本鄉滋亨珠形祖塋上排之左易盤甲庚兼卯酉一度初由國子監生加縣丞銜入州志後以季子告猷封奉直大夫不孝等謫陋不克揄揚盛美亦不敢虛詞以誣先人謹泣述一二伏乞當世大人先生憫其愚而存覽焉孤子宣猷泣述

先妣顏太宜人哀啓

先妣顏太宜人爲本邑西陽鄉登仕郎家瑞公長女家素封幼通詩禮知書昇年十七于歸先大夫伴讀數年逮分爨先王父母慮其出自富家不耐操勞治生產先妣體翁姑意布服荆釵事皆親任其勤儉乃過婁人子先大夫婉勸弗聽生不孝三人總角卽親口授讀故

不孝等就傅不隨俗點三字經以先妣豫教故也生女二亦親授女子經識知無自奉粗糲若延師祀先或宴客則豐厚不稍慳遇荒歉及年關分致錢米恤諸無告待傭婦雜役極寬恕婢女成年則遣嫁贍其子女沒之日哭各失聲平日三姑六婆望而却步鍾愛子女逾恆情民國十二年夏不孝宣猷誤遭匪擄先妣暈倒頻死者數次不孝等在地方行一善卽欣然色喜慰勉有加有不合亦呵責不貸一如先大夫在時其於諸婦諸孫亦然體素健生平未嘗服藥民國十四年古六月失足仆地傷右膀不良于行時不孝宣猷服務縣議會不孝宣光在省執行律師職務長次兩孫肄業省校皆禁弗告去歲九月患咳血未幾右匙骨下痛旋牽至右乳更數醫不愈嗣日進瞿粟膏少許痛乃減逾三週仍無效舊歷丁卯歲正月初五日辛未戌

初汗出如瀋溼然長逝嗚呼痛哉不孝等侍奉無狀百身莫贖苦塊  
餘生語多掛漏無倫次伏維矜鑒 棘人周宣猷泣述

奉命代作祭先王母陳大夫人文

嗚乎天不予貲兮我母棄世兮萱堂永閉兮再見已逝兮嗟何說兮  
憶我母之生平兮共吾父而作勞逮事姑而稱孝兮和妯娌以陶陶  
慈以待三黨兮婢僕亦沐其恩膏歲有事於吾父兮曾不肯委諸兒  
曹老將至而髦及兮猶荆釵裙布而夜績宵陶歷八旬兮聰明固時  
却杖兮徐步壯少病兮老復然日含飴兮煦煦不孝等習而弗察兮  
惟知喜而不懼胡瑤池之召促兮竟一去而不還也親色笑其難再  
兮痛輿櫬之空攀也思春暉之莫報兮杳不覺泣泪之潛也且遵禮  
以下葬兮安體魄於道山也嗚乎我母卽幽室兮輻車南指迫明日

兮馬鞍之陽安且吉兮廻視舊廬如在膝兮吉神呵護其無愧兮泣  
陳遺篋芳芬溢兮嗚乎我母靈以質兮

祭先妣顏太宜人

嗚乎人死之後其有知覺耶抑無知覺耶吾母棄養十閱月矣謂其  
有知何數月中事變紛乘並未一相詔告謂其無知何靈魂之說至  
今猶盛禮稱致生不智致死不仁故不孝等今日之哭我母誠未忍  
以已死無知視母也吾母享壽八十有三以視諸母壽實較長然長  
承菽水者人子之心卽稍遲二三月親見曾孫一湘之生亦是幸事  
若遲留一年獲見嗣徽之再索尤爲意滿奈之何天奪吾母之速也  
然吾母望孫望曾孫之心雖切而愛子尤逾常情上年不孝宣猷被  
擄吾母悲痛因而暈絕者數次若至今年三四月間目睹不孝兄弟

暨全家婦孺被逐被拘，此離析死裏逃生，禍更烈于前年。恐吾母殘喘必不能延，至端節以後，其慘痛更何如也。茲者亡靈默佑骨月團聚，爾時外侮可作達觀。殯宮雖受虛驚，而靈座塵封，几案無恙。皇皇焉，惟宅兆是營。現已買得李姓新阡，距珠形父墳不遠。伊邇安母骸於斯土，後嗣之拜掃甚便。謹以翌日發引，嗚乎！言有盡而意無窮。輻車將駕，攀戀徒殷。泣訴哀悰，靡有紀極。嗚乎！我母其知之耶！抑莫知之耶！

祭弟仲明文

嗚呼仲弟，乃竟溘然長逝，以生出而以柩入也。耶汝稟賦雖不厚，亦不甚弱，又頗諳藥性，六七十之年，謂可必得。胡僅僅五十遽斷，吾雁行耶。余年今六十，有三春間大病，幾死兒輩。年少後顧茫茫，惟汝與

三弟是賴今僅三弟一人而又益此悲胡能不戚戚耶上月初六得汝病信方欲遣兒輩奔省看視孰意醫藥亂投先數日已作古人耶汝數娶未得一男視諸侄若親生今春余意暫以叫保屬汝聊慰汝心乃倉猝別離未及發表使汝病中猶以爲念追憶前事能不加痛耶惟叫保幼穉不能事事茲以次男名煌後汝將來星娥姊妹成人亦設法以其所生並嗣汝目其隕焉否嗚呼音容莫睹靈柩在庭不復與吾兩人爲兄弟矣魂兮歸來略訴哀悰其知之耶抑莫之知耶

代德兒作祭仲弟文

嗚呼嗣父胡遽云亡生時親愛已逾尋常若自己出訓誨周詳在家在省恩渥情長仲春遠別念我弗忘屢函促召避禍離鄉守株方命勞轉愁腸聞耗奔省一柩在堂返魂無術泣淚盈眶未承父命仍居

侄行扶櫬歸里逾月駒光奉父承嗣衰服允當惟慚不肖難慰顯揚擇吉安厝滋享之陽伴我祖母無敢毀傷輻車將駕泣奠三觴靈兮不昧庶幾格嘗

奉命代作族譜倡修自序

維光緒壬辰七修族譜成凡與倡始者循故事各作叙一以誌其大凡璧迺衷往昔緒論推著譜之由而敬書簡首曰自秦更封建而宗法晦士夫各以家譜代世本所以故何尊祖敬宗而睦族也尊敬之弗敢忘敦睦之弗忍忽用勒而爲譜禮有之尊祖故敬宗敬宗故睦族今更足一語曰睦族故修譜其不信乎雖然尊敬敦睦云者豈惟修譜之謂其必平日先有無或懟我祖宗加我族姓之實行於修譜乃一見之一或異此譜雖修具文耳得不令人齒冷哉或曰我族自

先世來守道學家風通知萬殊一本之說是亡足慮所慮我周受氏實自蒼姬而稽之舊譜嘉慶咸豐間斷自可知率始基祖梅鬱公第注曰宋濂溪先生後卽雍正時上系隋汾翁公乾隆時更上系東漢黨公而前乎黨公之世系無可詳考迺如故由黨公而下我周氏散處江西者衆矣顧自元末吾基祖旣徙河塢譜遂與江西分修垂六百禩子孫見今可譜僅三千人自餘地角天涯復等郭公夏五雖有尊敬敦睦之實意固無能盡也應之曰否孔子云君子於其所不知蓋闕如也吾誠能聰聽元公彝訓無戾於禮意則第譜所可知以示弗忘弗忽凡當譜而弗及者倣此亦臣所謂盡心者質諸仁人孝子其無愧色爾己丑仲春族衆聚首宗祠咸殷後時之懼良璧服食舊德春秋垂五十矣生平自處雖早歲磨礱文場未敢後於流俗爰合

王盧酌章集費并舉各分之能部署之卜吉造事而命長男宣猷勉承衆請執筆以從源導漢晋式仍歐蘇闕所不得不闕而不敢闕不忍闕之意仍在行間由以薦之祖寢頌之各分永爲世守其與自來作譜之故往昔緒論所存尙有合乎嗚呼逸少有言後之視今亦猶今之視昔弗忘弗忽茲固百世通義歟

七修族譜書後

譜學之興其來也遠顧林亭謂唐朝以前最重譜牒非專爲六朝言也然吾聞魏收作史於得立傳者特具書支派以備家譜之遺知餘此放失莫紀者夥已吾宗舊乘稽之泥田諸序其始作猶在宋南渡後由南宋洎元之末造吾基祖梅鬱公自建昌徙茶不復與泥田合譜諸所纂輯今都弗及見及見者嘉慶咸豐斷自基祖外雍正始隋

汾翁公乾隆譜始漢黨公不能合也夫雍正續修時錫疇公爲博士弟子凡翰廷公輯錄之故諒所與聞迺前後刺謬處不一而足旣我高叔祖祐廷公與戶祖簡菴公又舉而削之上下不百年文在獻亦足徵其殊異且若此然則今之仍始黨公亦祇原基祖所自出以示弗忘豈若近而親者一一可據而守耶顧嘗竊觀嘉慶來近而親之不可據視若千百年前者庸亦有之傳贊碑銘之屬是也記曰先人有善而弗知不明也知而弗傳不仁也猷用此私惟我祐廷祖以爲過比觀其功會云云乃嘆書吏之肘子賤子蓋嘗行之而使後雖有蓄道德而能文章者亦無能間執餘子爲之闡發幽光俾將來有所觀感而興起可惜甚矣若猷之龔謏固不足云也有廢末敢舉寶軒公後起之侯安得於吾身親見哉歲壬辰詎先大父輩六修之年四

十家君子與胞伯率我同堂叔兄以仲春會族內諸薦紳先生於祖廟謀取舊譜而新之既定議乃重衆請而命猷執筆從各先生後猷維事關世守竊恐趨舍指湊日以月悔有如淮南所云而諸父老固固不許並舉我元聖屋成缺隅之說相告謂凡事可勿深求因念尊祖敬宗陸族事屬孝慈分內則亦不敢終辭然爲筆爲削有內省而弗安者毛遂碌碌之誚猷胡能解耶雖然承傳之際所爭果第此哉詩有之無念爾祖聿修厥德夙興夜寐無忝爾所生十九世嗣孫宣猷崧甫敬書

奉命代作橫溪公位下義穀記

同治九年庚午歲大禋先父位公念本房無公穀次年與諸同志共捐穀三十餘石以大廳分所得穀附益之春放秋收用備荒歉意甚

善也嗣被侵蝕復現闢荒怪象余兄弟加意追問乃更擬章程數則令子姪輩及房內之賢者交互經理歷今四十餘年除人欠外計現穀一百五十餘石洋銀三百餘元因將前此捐穀芳名勒石以垂久遠傳曰有備無患尙望後乎此者世濟其美率乃攸行毋苟墮成功云耳

河塢周氏積穀章程並樂捐名數碑記

乙未歲湖南被旱成災而吾茶尤甚常平社倉之穀不能濟大憲憫然迭次散賑旋復奏請開捐頒實收於各災屬宣猷與伯父並襄辦焉茶陵疫旱頻仍物力已絀捐生頗懷觀望次年春經前州憲周委憲溫酌議以各都所捐賑各都並許各都自爲分合由是我河塢周氏鳴皋家鼎日宣慎超定興會昌報捐從九品銜者六人此外捐而

不請獎者又數十人共得錢谷如千數乃訖賑事令吾族夙有積谷何致同糜國帑而勞長官之經營若此哉其年秋收頗熟諸父老鑒于前車爰將前所捐而散之本族者略爲收回復陸續量力書捐除支用外實得谷二百一十九石妥議章程擇人經理以防荒歉牢雖補于亡羊裘已成於集腋從此天災流行卽未必恃此無恐而於國家荒政或容有裨于萬一云公議善後章程列左而以樂捐芳名殿之宣猷崧甫氏謹記

一、積谷原以備荒每年應留一半于五月開放至他項公事尤不許移用升斗如違惟該首士是問

一、經營首士一年一換限十一月底交盤將現存谷分別新陳本息載明總簿值子午卯酉年憑衆大結將前三年細數抄單粘

壁以杜互相容隱之弊

一、放出之谷新老首士隨收隨交照期各登實數其欠項至交盤日坐老首士墊賠不准展限將契據衣物作抵以杜徇情保借之弊至欠戶抵當亦准該首士于末限後變賣

一、未放陳谷限小暑後移交過量確登總簿如違概向該首士加三科利其搬量之谷如新老首士通同作弊不登實數查出各照所瞞數目加倍議罰限期收數不實者準此

一、新首士歸老首士公舉以重責成如所舉有霸吞錯放不肯搬量墊賠等情均惟老首士是問

一、荒年開谷其多少以各分之貧戶丁口爲差並禁該首士私借此外常年當谷者酌給一半

一、谷息頭限加一五次限加二末限加三每放出一石抽息谷四升歸值年首士以爲收放搬倉交盤薪費伙食及墊賠欠項鼠耗餘皆歸公

一、首士既須墊賠則收谷放谷諸事均由首士作主其有恃強夥衆非禮混鬧者輕則坐分責罰重則公同送官各分紳耆不得徇情坐視

虎穴歸來記

虎穴者何匪穴也然則何以云虎穴以匪素吊羊其眈視逐欲無異於虎且呼官軍爲牛也歸來云者脫險也歸而記之以自愧且自慰也先是朱孔揚在江西遂川縣之井崗山聚黨爲司令既吊吳菊生吳託人向余堂兄某借款未幾遂有劫搶吾村之耗十一年秋湘贛

兩軍會剿朱他適而餘黨猶匿附近山中去年陰歷四月間警報又至據稱往來以一晝一夜爲度計程約百里內外其來也必乘月色到之時非夜甫靜卽天將明余時覺附近百里無匪踪坑口團練頗好遂不措意六月十一夜以他事在家息燈就寢忽見月色心頗動旋睡去次早微明忽報搶兵大至驚而起果聞屋左槍聲趨至廳事則大門早闢仲弟亦至適聞老母啼聲仲疾走入內余念合家老少均在睡夢中不得已挺立中堂注視門外瞥見兩人荷槍掠前門而過未迴顧而余堂兄處則槍聲人聲雜作知在彼處着手然慮其續至吾家仲復來囑暫避而余必欲探其究竟因前行十數武欲避之於新屋不虞一人荷槍續至見余着紡綢小衣且有鬚以爲此意中人也遂吊之迫至其集合點則男婦大小被吊者已十餘人旋逼索

槍枝作欲殺狀繼索銀洋俄自內取出洋銀銅元纍纍時天大明遂發哨齊向東行槍聲連續示威村人熟視莫敢誰何余比請將裁縫放去至松樹坳少休將所吊婦女問余底細放回數人又東南上坳行里餘因婦女裹足艱於步亦允余請悉放歸余與堂弟福疇堂姪盛湯盛漢盛朝愷仔及漢子儉生七人吊如故過婆婆坳下至山脚民家覓食人多不能必得家中探者踵至無許近前過坑口墟至南京寨午餐是日酷熱山路茶水少憊甚熟睡約三小時足飲山茶彼輩在此匯歛畢又東行過江口墟至一亭直穿而東尋改由亭側東南上大坳月色微茫約十五里有一亭又前約三里爲過路窩宿焉地爲湘贛分界處由家至此約共六十里次早起東行遙見一水如帶蓋卽鄴之沔渡河一路高山又三十里下至寧岡之陸村店宇數

十休息約半時覓橋不得又東南行十里至羊埕午飯若輩爭食而  
余惟僵臥微聞其家前吊去一女未歸再東行小路十餘里左膝跌  
破皮沿途催促云大壠三保有團兵未幾果有槍聲發自迤南對面  
山頂因共伏於路少頃槍更密有一彈飛過余頂是時死亦不懼而  
彼則迫令疾走甫下山東北鎗聲又作彼中半數欲棄走其頑強者  
更迫令向東南飛跑不少喘山行二十里許坐待約二小時蓋後隊  
已在彼接火並聞互有死傷云時月不甚明復相率上黃泥界山高  
不計程未幾前隊均去余不能步乃稍後彼輩旋覓一籬來抬之行  
又易以大帶至其集合處食粥一盃更以杉皮令臥其中抬之徐行  
時夜將半細雨霏霏涼風刺骨或給以夾衣更十餘里宿於遂川縣  
之小井小店十餘家其原隨之婦人候於此疑卽其巢穴十四早又

北行三十里由草坪東至三步岡小屋四棟宿地三宵幸留堂姪明德在側照料一切聞贛軍將來攻十七日再進七八里峯迴路轉闕無居人至則先有棚廠三數座據云係彼等二月間所架二十二三家中音信始通時贛軍攻急三步岡之屋俱燒並聞有兵一連至梨坪恐其由小路抄襲圖另竄二十六午後出三步岡南過木子坪一屋亦燬屋主蓋常來送消息者時大雨如注滿身淋漓茅深沒路約行十七八里旋分班導余等而右入一荒山伴晚雨稍停莫知所止俄一人來謂卽此住宿乃就稍平處刈茅草架帳篷席濕地爲寢所拾濕柴用洋油引火烘衣履略乾約二十人共宿篷內竟不能伸脚禁絕來往前此營小買者亦不許來甚至炊烟亦禁上冲所需食品派一李姓採買夜去早回如此者三日又轉五六里至一石巖先有

一廠蓋小股所遺者七月初三早鄒營長高連長荷槍冒雨來云北軍已退並云余有子被馬刀隊捉去但彼可寫信取出次日雨霽南行十餘里途中遙指一處謂卽井岡山頗平坦有屋數棟至字坪李姓家屋雖暗小然有床鋪初六聞譚三已至衡有信到此招安次日家中着邱吉龍送衣物至蓋不見家鄉人者二十餘日矣是時彼中盛言有陳司令馬營長率隊加入旋將陳所吊之瓜寮吳姓男女二人同置余處十一夜半又開差東行約八里至下庄尾之石灰坑鄧姓家一屋長約八尺寬七尺余等十人寢處其中祇能容膝十四晚其司令李囑余等寄家信催欸並令明德親歸十五伴晚邱姓同文彬及劉姓代表帶銀二百元及禮物至嫌其少十六早李率隊去馬家洲打生意飯後由鄒營長喚余等至字坪司令部會同馬副司令

以湘東邊防軍名義用指令索巨款迫余等照數寫家信二十日聞譚氏招安委員到但不知姓名二十三四續解禮物並銀四千數百元仍嫌少將疇朝漢打土雷公逼再寫急信余解款略多獲免二十六早高連長率十餘人打破金菊山云將余子釋歸究不確七月晦傳令開往酃縣之十都時稱湘豫聯軍槍約二百枝人數約共五百次早未明而食由石灰坑至字坪會合西行二十里至大井上八面山中途或指爲湘贛分界處山峻少木無田野不便窩藏歷樅木坪過上中下三瓜寮伴晚乃到一屋寬爽空氣較佳惟是早露潰衣褲兩足蒸濕數日不良於行用薄荷丁擦之乃愈八月二十日馬營返字坪越日余等移住萬家九月中旬放盛漢歸籌款二十七日由萬家北行二十里至沔渡墟西距鄧城二十里北至坑口五十里距家

已近然出入仍不能自由時有寶慶曾客人謂外傳彼中有一長官防余報仇恐難生還余疑信參半旋鄒營長來指天誓地且允護送保險十月半間放盛湯盛朝兩人回二十四率至鄧城經過縣署見行政委員會字樣蓋是時鄧縣無知事余等住南門外尹姓家十一月初六始放余及儉仔回而疇愷兩人仍不放是晚宿雷坪段姻家計前後足一百四十二日於路聞母病次午搭船到家村人聚觀若堵有泣者此行初雖伏天然甫至三步岡時天雨涼氣襲人乃向屋主討一破濫夾衣地鋪篾簟墊濫絮一床單被爲蓋見者齒冷余慣飲細茶而此間未有久亦相安後乃由家中寄到少許日食二餐雞或肉輒與蔬菜混合盃箸須自照料否則缺如初到時彼輩買梨棗瓜子糖食之屬價極昂常分給紙烟尤多居數日漸稔因謂實因

鬚誤認時共攀談並囑爲葉子戲消遣於余履歷若洞悉惟說到家  
貲則超過數十倍彼輩多湘人勸其下山亦問余願否相從余答以  
回湖南則可因囑趕信催欸定以知事或參謀相位置余笑却之實  
則彼無真意下山留余恐反爲被害至字坪託覓書閱卒無有間請  
代寫口信及名片就中一陳姓每尋得書本輒送閱行必相隨若惟  
恐他人虐辱在十都時獲一厚洋裝書喜甚接閱乃舊約全書閱時  
繙閱其中多可取假筆墨摘錄數小紙今失去至萬家又送三國演  
義一册古文筆法一本及周易折中全套此書紙板均好難中不能  
細讀惟代爲祕藏蓋目見他書多被隨意焚燒或扯以拭棹殊可惜  
彼中除李司令有時故作模樣及少數強暴外待余頗好而陳某尤  
甚又一王某凡余所需小物無不應聲至可見綠林之輩良心尙未

盡死如中央政府及各省區長官撫馭得法則挽此浩劫亦非絕不  
可能之事願天早生聖人予日望之是爲記

詩

難中雜占

睡起驚逢意外災

舊曆六月十二早

一門老幼莫逃開明知此去多危險

路經寧岡三保

被圍兵圍擊  
幾乎中彈

理得心安亦快哉

彼輩未入門故  
老幼均未吊

作俑洋槍快共和失自由久羈留

前後一百四十二日

非意料誤會爲鬚留

渠等來意非  
爲余祇因有

鬚故  
誤會

虎視奇居貨雞鳴亂數籌此生無別恨念母不能休

居遊與木石逾月困山阿

時在下庄尾  
之石灰坑

飯罷無些事烹茶捉蠶婆

此詩暴農  
以爲俚宜

刪疑民謂此本無聊之筆墨可存

二三百里吊肥羊秦和縣馬家洲同病驚添四十強往返六日男婦四十一人內一人索贖六十元未遂後在十都槍斃怨

氣冲天天夢夢招安信使又衡湘

度日如年昏復曉門閭阻隔望穿睛由三步岡屢轉至字坪離家約二百餘里雷池一步無能

越九轉愁腸問死生在三步岡尾時親見黎姓割耳此時又將疇等打土雷公

欲把斯人慾壑填誰知累萬更盈千最初索四萬元後改一萬五千招安也說下山去畢

竟思歸又等錢

茫茫巖嶺路紛歧各山總名巖嶺峯巖洞荒山迭次移余初到山時官軍圍攻近兩旬將余等匿于窮谷深山四易其處名曰打

埋除却飛機攻不破百千牛崽亦奚為彼中呼官軍為牛崽

井岡巖嶺均遂川邊境險相當五井大小上中下五處蟬聯及下庄出沒無常常出沒

天然淵藪恣跳梁縱橫約數百里

馬刀撥壳與洋槍加入汴營氣更昂馬生意而今權不打行規曰拜還

五祖返三湘五祖為其宗師朔望宰豬羅拜八月朔至鄧屬十都墟

登高廻顧老巢中由大井上八面山此湘贛分界處太息年來怨毒叢六十老農曾密語

些微糧戶一逃空此地稱殷實為糧戶

省識瓜寮鄆地界江西之遂川寧岡由八面山至此約二十里水流歸沔渡河北流經坑口至沔水雙江口西與沔水合聞聲驚汝

快早我故鄉過余家距洑水約三里

瓜寮山脉上中下三瓜寮水泉多壠小如梯盡插禾轉下十都三十里沿途不

見一人過是日由下庄尾開差行約八十里以離家漸近雖苦不覺

刑具新奇說上筒竹長五尺一繩通老羊大多數稱鬍子少數稱先生亦有呼老羊牯者忽把頭銜

換深夜吹簫作牧童名曰牧童吹簫時八月十四日

半耕半讀守窮鄉仍世分遺僅小康不信虛名能賈禍間稱為議員官祇緣劫

運竟罹殃城門失火池魚厄阿堵無金意馬慌時索二萬元誰為繫鈴誰為

解同昂某允代為解說又恐恩將仇報此生恩怨兩相忘

生逢亂離世道德浸陵夷疾風偃衆草松柏寒乃知無端造大難性

命如懸絲舉室悲且恐愁痛不可支老母兩弟及妻子常以淚洗面慰唁集親友被吊後絡繹不絕

里黨咸奔馳營救視其力憊甚曾莫辭豈惟念衰老古誼良在茲感

此欲圖報自愛以為期

上山結夥為開花分贖白開花鉅萬家費信口誇貧富一時同浩劫由字坪至十都時被

吊之男婦大小共七十餘人內瓜寮吳朱氏平日賣柴為業可憐歸後半無家

贛邊從不吊肥羊遠近惟聞搶一場一自來龔朱孔楊來作俑彼中人云賣兒

鬻女贖爺娘吳姓勒繳一千五百元聞賣去十一歲之子

昔人牧羊年十九今我為羊九十天舊曆九月十三持節歸來毛盡改將錢贖

出鬚先捐

余因鬚受禍忿而削去臨歸仍留

奔馳屢月夢魂驚罔惜家貲爲救兒

堂姪明德自家至云云

魚服白龍仍受困

原讀罷不勝情

拚將一命見閻羅隱痛無如老母何

時七十有九

癡望生還餘菽水天從人

願救哥哥

晝夜上筒殊不便

時在十都萬家

又將兩手翼張之自憐苦盡餘皮骨惟有聲

音是舊時

一班代表又一班乘機爭欲詐銀元長官識破嚴追取

劉代表詐取百元被杖仍追欸如

此原情却也難

已輸身價十千金三字傳來着免刑

九月二日晚

從此生歸端有望家鄉且

莫抱愁心

悼引生附錄

螟蛉不率教斥逐已多年此次為余死聞余被難跟踪探至寧岡縣之樓下被馬刀以捉去月餘無耗念之殊

愴然

昨意汝必死今聞汝先回七月二十六彼輩打破金菊山云將引放去冒險復脫險亦足釋余懷

余素不能詩故不作朋輩索和亦無以應藏拙也去歲難中無聊  
隨意口占歸而錄之爰作紀念其記憶不全者闕焉古有詩史余  
此作直是難史閱者勿以詩論可也甲子三月刼餘自識

聯

河緣有夏疏源遠流長百世共懷明德

塢好藏春號風和日麗萬年猶覲耿光

河詠關雎化行南國

塢名梁雀始溯西京

河詠關雎成周正始

塢名梁雀大漢承休

河塢宗祠春聯

詔告子孫世業恪遵漢用里  
玉成賢肖儒風丕振宋濂溪

族祠詔玉堂

鳳鳥來儀清時之瑞

崗巒列勢間氣所鍾

鳳崗書院

數典幸無訛益國功勳道國明通一派淵源文武後  
奉先自有則祇園禮拜梨園歌舞兩般故事漢唐間  
自我而觀祖有德宗有功何須法演五宵半臂銀袈翻貝葉  
務民之義內盡誠外盡禮莫以場開十月一心玉笛吹梅花  
合七八戶丁男子婦共三千修睦敦仁敬率成規纂齒錄  
報六百年祖德宗功於萬一奉經禮懺權從俗見飯頭陀

上三聯修族譜做法事唱戲

矩矱溯高曾七葉相承陶復依然瓜瓞義  
蒸嘗崇考妣一堂宛在雲仍毋忘采蘋思

嘉會堂享祠

妙策安炎劉麟閣首圖更有難兄乘票騎  
前修懷趙宋鴻臚初唱早登及弟踏金鰲

代鄆縣妙前霍家祠作

聲爲律兮身爲度

往可諫而來可追

大戒小懲勿作無益害有益  
昨非今是且教後人鑒古人

唱戲禁賭聯

燈火萬千家莫辨其中誰苦樂  
風波百十丈惟餘此地最安閒

題嶽麓山雲麓宮

惟聖人乃能寡過

是真佛斷不燒香

秩庸先生假肉體行善事

懶殘和尙指軀殼爲俗人

自題書齋

老朽於今已屬我

山靈無語亦笑人

題桑鄉老山寺

是外家後起英才甫度四旬胡遽逝  
本議會中堅份子又弱一個不勝悲

輓顏寅佩

相思正切忽驚一訃傳來恨海不能填願爾三孤齊跨竈  
無疾而終果是幾生修到壻鄉那堪說俾我雙親復泣珠

輓妹夫陳蘭真

大局苦混紛明搶在山暗搶在城微公難言上理  
小人好議論道高一尺魔高一丈有子不墜令名

輓譚鏡瑩

碩望著洵江緬晚歲茹齋踢開利鎖名韜學仙學佛  
哀聲動泚浦幸後昆競爽贏得雙丁二陸難弟難兄

輓譚庚臣

時際亂離雖淡飯粗茶不容自在  
人懷攘奪惟疏財仗義可謂難能

輓譚燕喜

與人無忤與世無爭胡君子道消竟爾掉頭歸碧落  
是熱宜清是毒宜解惜老成體弱未能放胆服黃連

輓襟兄彭敕子

別思一年多方期我宅相成人人刮目  
歸魂千里外孰料此番變起着着傷心

輓外甥陳誕瑞

從弱冠輩觀人能勤學兼能服官賊遇九江斯仇莫復  
於離亂中聞訊喪良朋又喪至戚骸歸千里令我奚堪

輓內侄譚錦芳

壯志邁等夷何期世道日非初出茅廬便遇賊

交情逾骨肉爭奈中途雲散一聞蒿里倍傷神

代同兒輓譚錦芳

黃鳥可百身起死回生傷心絕少越人術  
白圭未三復視吾猶堦坦腹不嫌孺子貧

代人輓妻叔譚藩臣

遺愛在西江覲面無由十載葦聯心已折  
大星隕南極招魂何處滿林楓葉首徒搔

輓譚選賢

法校起湖湘與冢君硯共三年攻錯常資他山石  
風詩懷涓水惟舅氏家傳四勿克復能歸天下仁

代仲弟輓顏寅佩之父

惻幅無華辛苦六十年其人堪作族鄰式  
忠厚獲報馳驅七八月有子咸推黨國才

輓族茂昭

被匪復遭期功喪最近半年尤爲不幸  
同室無多賢肖子又弱一個更覺難堪

代同兒輓盛楚

繩祖無多人數落落晨星忍看馬羣空冀北  
招魂從遠地嘆茫茫天道慘教鵬賦吊長沙

輓堂侄盛楚

庭訓作黨員珥筆從征革命先除軍閥跡  
家傳有相業拯民救國教忠尙見古人心

輓彭資純

議會立嘉言福利全民惟公應入德行傳  
鄉師宏智育闡揚主義有子堪推黨國英

輓劉笙石

實樹儷三株佐治才優同爲鄉邦謀建設  
靈椿剛六袞修文駕促頓教家族失模型

輓族子慎

於鄉黨中通物類情便爲大學問  
當亂離際棄人避世卽是小神仙

輓陳瑞瑤

享高壽八五春身歷諸艱援例豈徒稱節母

賦大招三千客魂歸何處陳情共羨有文孫

輓姊丈段玉堂之母

俯仰最堪悲何期薤露聲聲鸞膠遽渺  
後先相繼殞頓教竹林寂塵訓難聞

代揚美輓妻叔譚家聲

俯仰最堪悲怪造物少情無復曾元養曾子  
死生原是夢忽良朋不壽頓教斯疾喪斯人

代揚美輓譚鏡明

其卓識不讓鬚眉若德備三從猶爲餘事  
有深恩堪銘肺腑奈緣悒貳室莫慶稀年

代三弟輓岳母

避共匪而隨夫年來僑寓中湘秋雁未歸倏遊蓬島  
視吾兒乃若子今後趨承貳室屋烏誰愛惟有泰山

輓同兒之岳母

享高壽逾九旬條一曲輓歌仙命考終催大母  
毓奇男符五桂更三民主義黨員領導有文孫

代聖畏輓汪續書之祖母

有賢母乃有賢兒移孝作忠攄半世斷機願望  
爲良醫等爲良相調營和衛壯全軍救國精神

代宋營長輓某軍醫之母

速葬爲不懷恨抱千秋祇今未有返魂術  
粗安便是福遠踰三里此後惟餘展墓時

葬先父

不相不歌讀禮愴懷古鄰里  
從宜從俗指迷切望素衣冠

葬先母

卜地本憑天祈母骸獲安發福發祥何必預  
遵儒兼用佛但子心略盡於此於彼不須拘

博禮約文既是儒生肯信佛  
唵經拜懺只緣俗見要齋僧

吉地卜南山痛慈骸永隔泉廬指點白雲空眼在  
大明行北陸承弔客遙臨苦次目瞻丹旆倍心傷

上三聯奉命作葬王母陳大夫人

執業去枌鄉侍藥未能情更慘  
指迷辱苦次還山在卽淚空流

代德潤葬母

僧道無緣經懺悉捐遵古禮  
蒼昊罔極佳城雖卜倍神傷

代揚美葬祖母

迷信悉捐除爲節母哀藏父魄  
休徵憑造化漫云人巧奪天功

代名康葬父

八一擬稱觴何期頽影難留彩衣變作麻衣慘  
三千原定界果使慈航得渡孝子常沾佛子恩

代大德葬母做佛事

請榔怕言才問主器爲誰空將繞膝說餘子  
倚閭驚絕望縱撫孤有婦怎克忘情似聖人

代步叔葬子傳

弟婦苦哉夫孤子孤孫又孤賴足自悲半世孀居慘已極  
祖奠設矣日吉時吉地亦吉癡心代祝一枝秀出發無疆

代家鼎爲家玉之妻葬子

客來弔孤兒之喪厚已甚矣  
父臨當大事而歿痛何如乎

代名理葬祖父

垂老棄藁砧奉母課孫記否尙多事未了

經年失故劍飯僧禮佛對此無端感不禁  
結髮逾五十年祇今檢點巾箱已成往事  
看山遍廿四向就此奉安窆器合是前緣

上二聯代堂兄森青葬妻

共匪最兇殘無法無天忍令衆生沉苦海  
羣英告奮勇救民救國拚將一死復茶城  
普渡衆生臨陣早無壽者相  
盡殲共賊復仇上慰烈士魂  
大慈大悲救民水火  
再接再厲爲國犧牲

上三聯追悼勦匪陣亡將士大會會場兼佛事

爲黨國犧牲死重泰山千秋凜凜有生氣  
出人民水火血流沫浦萬衆紛紛弔毅魂

代新民高小輓勳匪陣亡將士

四野煽妖氛痛共匪放火殺人哀此遺黎宜籌善後  
三民崇主義憑熱忱捐軀救國壯哉烈士竟敢爭先

代善後委員會輓剿匪陣亡將士

共匪最兇殘豕突狼奔挺險猶欲爲困獸  
羣英懷壯志槍林彈雨見危原不望生還

代下二十二都挨戶團輓剿匪陣亡將士

道其道莫能明對本宣科五千言孰聞老子  
神乎神若可信謝前保後兩三日高唱天尊

代做朝讚

善斯可矣形則著著則明神歡人樂  
裁者培之苗而秀秀而實玉潤珠圓

大德好生此爲父母元后

神道設教以保子孫黎民

秉氣自胎元佈種以時一片婆心伴造化  
生春資圃手拈花微笑萬家乳口荷裁成

上三聯痘娘娘

莫怪我有時變臉  
只要人及早回頭

焦面廠

天道茫茫問茲四命告終到底有意或無意  
神靈赫赫際此三宵演法不是銜恩却謝恩

代謝雷神

致生爲不智致死爲不仁漫云紙屋冥錢無非人子了願  
有罪何能懺無罪何必懺說甚天堂地獄總是和尚發財

代作佛事

九品虛銜未有升斗堪養母  
六齡弱息且教琴瑟學從夫

代捐監兼嫁女

楚東三星歌在戶  
桃夭二月咏宜家

代二月娶妻

撫孤較守節尤難美大母二十年來養育諸雛未有閒言如閔氏  
能仕秉教忠之制看家君一千里外循拊百姓何妨墨經似襄公

輓李漢雲之母

函牘

羅瑞庭先生函

楚農吾兄 禮鑒 手書奉到驚悉 老伯父葬身匪穴痛悼之餘  
不禁髮指植此匪共橫行之秋除暴安良全在吾輩後死者之責若  
再畏縮不前誠如蔣總司令所云不但生無托足之地亦死無埋骨  
之所望 吾兄本着良心熱血奮勇殺賊此所謂真孝子也溽暑薰  
蒸仍望勉抑悲憤爲盼專此手覆卽頌  
暑安

弟羅萃華頓

周紀勛先生函

楚農賢侄 鑒 尊翁行狀所以一份寄我深願竭其棉薄表彰有道區區執聯僅抒個人感慨耳

玉成啓

周雄飛先生函一

楚農老弟 二次手片驚悉 甫老病故不勝悲傷之至恨不能將匪共生吞活剝以洩殘害長老之憤惟父仇不共戴天報仇不拘一日尙望節哀順變珍重身體以圖將來更爲孤子持身之善法也 飛  
在可能範圍當盡力協助以報 甫老生前之雅愛肅此專訊  
禮社

去非哀肅

函二

楚農老弟 甫三二老何日成服乞告以便都門遙奠藉表哀思也  
痛淚湧泛願共戮力此訊  
禮社

去非

函三

楚農老弟 梗書讀悉血淚滿紙不勝嗚咽遙望家鄉痛恨酸楚  
令先君子我除披麻戴孝咬牙切齒準備報仇外我更願誠撰哀詞  
擬請于右任先生題詞寄歸飛每行過本京慶華旅舍之門前不禁  
痛如刀割 甫老德音印我最深我自應加闡揚  
令德也此訊

近祺

去非

陳師洛先生唐巨源先生函

楚農吾兄 禮鑒 敬唁者頃於雄飛兒處驚悉

先公捐身匪穴慘何可言尙祈節哀順變爲國自珍弟此次出發前方早具犧牲決心若以總理在天之靈自應滅此朝食敬叩  
制安

弟陳師洛唐巨源頓首致唁

陳楞盦先生函

楚農先生金玉 覆鑒 令尊仙逝早欲吊唁惟以流離轉徙無暇治此耳頃奉哀思錄徵稿細讀一遍哀情節義溢於文詞 僕雖無文

對此 前輩素所景仰憶及死事能不愴然謹綴近體詩兩首寄仲  
悼念並以其尚漢學而非習桐城者另作附誌尙望審思入刻去取  
唯命至上下欵式因入刻詩末從俗寫統祈

鑒照

陳 樵拜書

段春景先生函

楚農賢弟 金玉 台鑒 令尊道德學問素所欽仰在縣提倡公  
益造福柔梓厥功甚偉最恨赤匪肆虐波及老成每一念及悼惜殊  
深茲接哀思錄徵稿捧讀之下尤爲悼念謹擬輓聯一副用表有道  
賢弟孝行純篤務希努力除暴安社會卽所以慰泉臺也專此卽頌  
近祺

段治安啓

譚筠仙先生函

楚農賢弟大鑒 尊翁爲吾茶之彥生平造福桑梓厥功甚偉天道難測竟罹此禍凡我州人莫不悼嘆况相知有素者耶不辭鄙陋爲詩以弔之不足以表彰有道聊以抒友朋之哀思而已大難當平歸葬有日乞代焚之靈前匆此卽頌

禮社伏維

亮察

小兄培元啓

王旅長德彰函

敬啓者接誦 令尊先生訃告及事略藉稔道德文章高義勝概慈

善義舉均足以挽頽風而勵末世縱消魂於豺虎之區究流芳於霄壤之外謹爲俚句一章以表潛德於萬一耳尙祈高明正之爲感此覆

楚農先生 昆玉

王德彰啓

廖繼虞先生函

楚農吾兄 鑒 老伯昆季并沒匪巢遐邇同悼 弟愧學殖荒落不克發潛德幽光惟敬撰輓聯一副錄稿奉上聊抒哀忱藉示景仰此致順頌

近祺

弟廖應運頓

李葵暄先生函

楚農老棣昆仲先生鑒奉讀 令先公行狀備悉道德文章考行義  
舉昭昭於人世而不可泯滅者乃竟厄遭紅羊沒於匪窟惋悼何極  
謹陳誄詞聊申鄙意此頌  
近祺

李日熙頓首

譚篤材先生函

楚農吾兄學長禮鑒前日奉到

尊翁先生哀思錄徵稿閱竟痛甚以

尊翁先生之老成碩望猶不能見容於時可見赤匪之慘毒較之闖  
獻殆有過之無不及但赤匪爲害遍於人類吾輩後死責任難辭尙

祈勉抑悲憤以慰

尊翁在天之靈而爲異日不共戴天之報也此頌

日好

弟譚篤材頓

郭涼夕先生函

楚農吾兄 禮次 許久未候思念殊殷頓奉

手示敬讀之餘不禁泫然欲涕蓋以

尊翁學行溫雅造福鄉邦久爲社會人士所推重乃胡天不幸偏遭

賊手言念及此不勝惋痛惟明達如

兄尙祈節哀順變努力於事業之發展以達將來之目的耳何目成

服請先告知以便漢皋遙奠馨香默悼書不盡意覆候

禮安

弟郭良遂拜覆

劉佐民先生函

楚農吾兄 禮鑒 一日不見如隔三秋睽違旬餘能不依依比維起居迭吉動定咸宜爲頌

先公慘遭匪害殊甚痛悼謹具輓聯一副俚句二首藉表有道而示哀忱卽祈 察收斧正爲荷此頌  
近祺

弟劉志道頓

柏團長式諾函

楚農吾兄苦次 展誦訃章不勝愴惋

令尊大人敬恭桑梓名望素符功績卓著雖歸真於天上無遺憾於  
人間緬懷 壯烈謹題誄詞藉表哀忱專此奉唁孝履維希矜鑒此  
祝

近安

弟柏式諾啓

錄  
後

書虎穴歸來記後

讀虎穴歸來記不禁潸然也昔米脂令邊君奉命掘李闖祖墳闖破京師後獲邊君挾至山西邊君夜遁後復爲州守著虎吻餘生記張夢復謂死生有命李賊殺人數十萬究不能殺一邊君竊謂邊君因有奉命之舉我公則貌似之嫌耳其受災似同而實異自世事混莽運遭陽九明夷羨里棘津陳蔡之厄雖聖哲不免然其中有天焉故曰無厄地後之賢士仁人龔勝見逼於新莽文山脫歸於北使黎洲出入萑苻之間而仍奉其慈母於黃竹里船山自刺舛床始獲脫解

迄今誦文山之詩披龔氏之傳讀黎洲船山之集皆凜凜乎經緯天地廉頑而立懦焉豈知其當日之受困厄固異於庸衆人哉回也屢空負廓一頃汾水之南可具膳粥儒士生涯不當如是耶吾邑瘠貧誰克以富稱慧茲明珠古今同慨火炎崑岡玉石俱焚又何傷乎白龍魚服見困豫且也荃亦脫難餘生也每以檢身未及隱爲痛恨我公固嶠然不滓者也而災來無妄君子深惜於晦蒙否塞之秋也况亂離之際秉筆就緒詩詞不輟他年風史得之以爲家父凡伯之作可或搜羅難史而據爲信史亦無不可爰綴數語於後云

附感懷詩二首

世道茫茫裂四維檣槍燁燁滿通達天心欲墜誰憂杞地緯披紛獨恤養難急鵠原分灼艾愁添蕙圃歎焚芝深山大澤皆戎馬怕讀杜

陵野老詩

國狗狂噬胆已寒  
豺狼徧地又羆豸  
祇緣貌似留匡邑  
共祝生還使契丹  
經籍劫餘悲野火  
室家倒挂有歐彈  
四千年後成奇局  
風雨雞鳴夜未關

教弟絜荃李調蘄頓首

編 餘

天下有達道三曰爵齒德永垂不朽者三曰功德言必具此六者其著述始有價值今先君官不過訓導年未及古稀服務桑梓乃公民之天職品行學問爲個人之修養無關國計民生有何哀思之足云而况幾副輓聯數篇詩歌更奚足以成書顧乃不畏譏諷貿然付梓者蓋有故也夫善繼人之志善述人之事者夫子之所謂孝也生事葬祭固人子應盡之禮而顯親揚名尤爲孝之本源仲尼曰君子疾沒世而名不稱焉名之一字聖且不免况吾人歟以先君之立身行道雖不敢誇耀於人然求之末季亦未嘗不可以垂名後世矧其兩

遭奇禍備嘗艱苦堅忍卓絕不屈不撓庚午之秋病故匪巢湯藥未侍沒不知時殮不憑棺葬不知處言念及此腸迴九轉幾不欲生其悲慘痛恨爲何如乎方今匪氛未靖遺骸莫尋事禮已慚葬禮未備不孝之罪已深且重旣不能繼志又不能述事若更無以光潛德問心果能一日而安耶欲留紀念此所以有哀思錄之輯也當未付梓之先父執譚公皋農李公絜荃僉意以遺著爲主命名爲藏園遺集然著述素爲吾先子之所畏爲其遺作雖多生前均未肯付梓今言猶在耳若專刊遺著反失先君本意故仍以哀思錄爲主而以遺著爲附此又本書定名所由來也惟是寒舍迭被赤燄先君手稿焚燬無餘卽此吉光片羽且多輾轉鈔來兼之名燁命不逢辰坎珂顛沛流離轉徙承各親朋戚友咳珠吐玉而散失遺亡掛一漏萬諸祈閱

者原諒至於次序之錯亂亥豕之訛誤以名燁之才疏學淺尤難倖免一俟再版當設法校止倘蒙存覽或賜鴻文不勝盼感再本書材料之搜集編輯堂侄揚美煞費苦辛用力尤多並附此誌謝楚農周名燁泣血附識

# 正誤表

頁數	行數	字數
二	三	六
四	四	二
八	六	二
一二	五	三
一四	六	二
二三	〇	一五
三三	七	七八
三三	三	一九
三四	六	二二
三四	八	二四
四一	七	一一
四四	〇	末
四六	二	二三

譚續澤	遠	致	色	撲	映	悲	年少	脫一而字	動	顏瑩星	於	多一以字	誤
譚續澤	遠	鞅	邑	樸	殃	賦	少年	嗚咽而殞涕	勁	顏星瑩	餘		正

廣園寤思錄 正誤表

一 二 八	一 二 〇	九 〇	八 四	七 二	六 四	六 三	六 一	五 九	五 九	五 三	五 二	五 二	五 一	四 八	四 七
二	〇	九	八	一	一	一	八	六	四	一	六	三	二	一	三
一 〇	二 五	一 七	二 四	三 五		二	五	二	二	三	三	四	五	一	三

止 目 來 潰 脫 婉 遭 廷 難 庸 續 忽 塵 表 江 婦  
一譜字 弗聽勸

正 日 朱 潰 雍 婉 災 延 灘 備 讀 勿 壓 喪 泣 歸  
正譜 弗聽勸



中華民國二十三年十月初版

非賣品

七月三日

送贈

編輯者

周周

揚名

美煒

校對者

周

名

煌

印刷者

精一

印刷局

局

開設茶陵城內二總正街

編者通訊處

茶陵城內文星街周宅



1762-23